

استبصار

نومبر ۲۰

پنجشنبہ

۲۸ کانون ثانی ۱۳۲۴

بالمعوم دوائر و شعبات مرکزیه نك مأمورین و معاملاتك

تنسیقه دائر نظامنامه مسوده سیدر

برنجی ماده بالمعوم دوائر مرکزیه شعبات و اقلامی مأمورین و معاملاتك تنسیقی ایچون اشبو نظامنامه نك تصدیقنی متعاقب بلا تأخیر هر نظارتده ناظر ویا مستشارك تحت ریاستنده ارکان نظارتدن معتمد و منتخب بر ایکی ذات شورای دولتن ایکی و دیوان محاسباندر بر اعضا ایله معاملات حسابیه واقف و مالیه نظارتندن انتخاب ایدیه لك مأموردن بر تنسیقات قومیسونی تشکیل اولنه جقدر. ایکنجی ماده قومیسون اولو شعبات و اقلامك ماهیت معاملاتنی تحقیق ایدرك جریان معاملیه بی یکی اساسلره و قیودات حسابیه بی اصول مضاعف اوزره تنظیم و اوراق معاملاتنی دوسیه اصولی و جهله ترتیب ایتمك اوزره مأمورینك وظائفك صور اجراییه بی مبین بر نظامنامه داخلی وضع و قابل توحید اولان دوائر اقلامنی برلشدره لك لزومسزلنی تحقق ایدنلری لغو ایده جكدر.

اوچنجی ماده صور مشروحه ایله وظائف و معاملاتك نوع و مقدارنی تعیین ایتدكدن صكره هر قلمك ظابطان و علی الدرجات كتبه سنك بر قادر و سنی تنظیم ایده جكدر.

دردنجی ماده بوندن صكره مأمورین موجوده دن حق تقاعدی احراز ایدن رؤسا و مأمورینك بر دفترینی یا بهرق بونلری بلا تأخیر تقاعد استدعاسنه مجبور ایده جكدر. خدمتدن دولنجه استغنا ایدیه میان رؤسا و امرا بو قاعده دن مستثنا در. بوندن ماعدا هنوز یكرمی یاشنه واصل اولمیان و معاشی یوز الی غروشدن دون اولان ویا خارجاً بر صنعت ویا كار و كسب ایله مشغول اولان مأمورینی بلا قید و شرط مأموریتلرندن اخراج ایده جكدر.

بشنجی ماده قادرو داخلنده استخدام ایدیه لك مأمورین قدم و اقتدارنی نظر دقه آلنهرق ایجابی تقدیرنده مسابقه امتحانی اجراییله تفریق اولنه جقدر. شویله كه بر صنفده قدمی و قدم و اهلیتلی مساوی اولنلر اولدینی حالد مكا تب عالیله

مأذونلری ترجیح ایدیه جکدر. و بویله بر سبب ترجیح اولدینی تقدیرده مسابقه امتحانی اجرا اتمک لازمدر. هر نظارتک ماهیت امور و معاملاتنه نظراً امتحانک صور و شرائط اجراییه سی قومیسون طرفندن تعیین اولنه جکدر.

التنجی ماده قادر و خارجنده براغیلان مأموریندن اوصاف لازمه پی حائز اولانلر تدریجاً یرلشدیرلمک اوزره قادر و خارجنده معاش آله حق و اقتدار و اهلیسزلیکی ثابت اولوبده مدت خدمتی بش سنه پی تجاوز ایدنلره بیک غروشه قدر معاشک و بیک غروشدن یوقاری معاشک هر بیک غروشی ایچون یوزده ضمیله بش سنه لیکی تضمینات اوله رق و یریله جک و یا خود تدریجاً بودجه دن طی ایدلمک اوزره اسامی و مقدار معاشلری مبین برر دفتر تنظیم اولنه جکدر.

یدنجی ماده مقدا اجرا ایدیلن تنسیقات اشبو نظامنامه احکامی دأره سنده تعدیل و اصلاح اوله رق و قادر و معاشاتی مقدارینک تعییننده ایجاب حال وزمانه کوره بعض تعدیلاتله ۹۶ الی سنه سنده نشر اولنان تنسیق معاش قرارنامه سی اساس طوتله جکدر.

سکزنجی ماده اشبو نظامنامه وجهله یاییله حق تنسیقات دفترلری ۳۲۴ سنه سی شباطنک ختامندن اول بودجه نک تدقیق و تصدیقنه اساس اولمق مجلس مبعوثانه کوندر یله جکدر.

نظامنامه نک اجرا و تطبیق احکامندن هیئت وکلا مسئولدر.

هوسکاران دیپلوماسی به

(کچن نسخه دن مابعد)

تشبثاتک حسن صورتله تلقیسی ایچون رعایت ایدلمک لازمکن شرائط عیدیه دن بری ده معطوف ایی اولدقلری امور و خصوصات نهیه متعلق بولنورسه بولنسون ونه درجه محق شکایاته باعث اولورسه اولسون شدت و انفعال دن توفی ایدیلوب کمال اعتدال و نزا کتله بیان حال و کیفیته اعتنا ایلمکدر. ذاتاً مأمورین